

SIAYĖKEMACA SIABAI KĖOJĖNA KAYAYE KUI'NE JĖNA, PAIYE KAWESOSE'EPI SIAYE TUTU PAYE JAI TSUTSUPĖA OMETĖKANA

NUĖNEREPA SIA'WE'ŅA CAHUESOSE'E MAI PAI KĖKOPAYE

Kaya jĖna kou KĖna ometĖkawĖ sia'we'Ņa sewojĖ kui'ne canĖowĖ si'aye pai paija'Ņe tutukĖ'ye, iti kĖaye kato pai'ji iye Ņese saieoni. Icona tsoe paikona ŅajĖ, jaipai tsi'sisito kakua'i seŅĖ iti toypĕpĕ kĖawesojĖ'Ė sia'we'Ņa, jamaka Ņasiko paija'kore siapai, kui'ne kĖajĖ paija'cua'ire toyaja'o ye yewe'Ņaje, yeke pa'yea'Ė kajĖ ŅaŅeje peoye i\_wa'i kuasajĖ nese'e yekĖ yeja pai.

Ja\_a wĖoko

Kase'epi de'oye, kone kui'ne jeoŅe payĖ jaje, sia'we'Ņa Ņase'erepare sa'nawĖ payĖ sia'yĖ'kĖ maka tutu, kui'ne sioma'Ņerepare sia'pai tsĖkapĖ pai'ye.

Jaje paikĖta'a kuasayĖ Ņama'ayepi kui'ne oima'ayepi, pa'iji sia'paire, japi ai jaiye Ņese saniwesĖji pai pa'ijĖ kuasaye, kui'ne aijerepa kawesose'pi, jaje pa'ina kokase'e kayĖ de'oye pa'ie kui'ne de'oye pa'iyĖ kuasajĖ sewoye.

Jaje paise're yure kato Ņasikua'irepa kui'ne kĖkopakua'i pa'ie pa'iji, kua'ye pa'ise'e jeoni paimakata'a pa'ie pa'iji nejo ma'kua'i.

Jamakata'a Ņese de'oyerepa Ņese saiye siwajĖ kui'ne pa'iyĖ yekĖwe'Ņa Ņasikua'irepa.

YekĖwe'na yejaŅa kato de'oyerepa kuasani kuinaoni kanĖowesĖwĖ. Toya ja'wana pai tutukĖiwa'i paija'ne, de'oyerepa kui'ne iwa'irepa'Ė kajĖ, si'ayĖkĖmaka ĖmĖowa'i kui'ne nomiowa'ije koni, tsoe jaje pa'ina jeowesowĖ ai jai kore, de'oye pa'iyerepare kasikua.

Iye kuasaye cato sewosikua kadĖowesĖja'core, oiyerepapi si'aye kuasajĖ, tsi'sisikua'ija're kawsĖ ja'Ņe, si'aye oiye kui'ne tutukĖ'yerepa pa'ija'Ņe jamakata'a kuade'oye pa'ie pa'iji pal.

Iye kato kuasase'ea'Ė si'aye tutupa'ie, jaje pa'ina iye kato ai de'oyerepa'Ė iti Ņese saija'Ņere kuasajĖ sewowesĖse'ea'Ė.

Tsi'sini jai pai koka kako

JĖaye kawesoyĖ yure

Si'aye pai\_tutu pa'ie kĖawesosikua, ikore kato si'a daripĖa kui'ne jaiwe'Ņaje nesaoye pa'iji, te'owa'imaŅaje kui'ne kua'me kokaiwe'ŅamaŅaje, Ņese saye pa'iji de'oye kajĖ, jamakata'a si'adaripĖa pa'ie pa'iji de'oye kui'ne yeja pa'ie con\_i kĖkojĖ.

Te'o ako kĖaye.

Si'apai aide'oyĖ kua'ye peoye kui'ne siayĖ'kĖ maka pa'ie kui'ne tutupaye koni, jaje kuasase'sĖtepi kuaju'i'ne peoye Ņese saiye pa'iji kokaijĖ yekĖ paireje.

Kayaye ako kĖaye

Si'a pai payĖ tutu kui'ne kua'ye peoye yure ikore ai jĖaye kawesosido'ire, jaje pa'ina ŅaŅe peoji yekĖ paiŅa'Ė kajĖ, iyeje pa'yere, pai\_koka, iowa'i pa'ie, kuasaye, pani iyese'e kayepaŅĖ kuasia'ye pa'ye, kuri pa'ye, aideo'ye kui'ne kuasi'aye pa'ie.

Kui'ne yekeje pajakua'ia'Ė kaye yeke iwa'i kuasayepi iyea'Ė kajĖ aijaidaripĖa sia'we'Ņaje paniye yeja paiŅeje iti paipi kuasajĖ neŅe pa'iji, jai daripĖa kaye kato te'owaise're kaŅeje pa'yea'Ė, iwa'ise'e kuasayepi nejĖ.

ToasoŅe ako kĖaye.

Teo'wa'ije payĖ de'oye tutu pa'ie, kua'ye peoyeje koni, kui'ne kĖcojĖ pai\_pa'ie.

Kajese'e ako kĖaye.

Si'awa'i pa'ie peoji kua'ye jĖaye pa'ye kajĖ, kui'ne kua'ye yo'okuaŅuŅeje peoji, iye kato Ėsese'ea'Ė sia'ye pa'ye.

Te'jĖtĖ ako kĖaye.

Jare si'apai kua'ye yo'okuaŅoŅe tipeoji, tĖ'caye, tseaŅe, wanijeaŅe paniye ai kuaye pa'ye.

Te'e jĖtĖ ĖjatupĖ kĖako.

Si'apai payĖ tutu, sia'we'Ņa kui'ne ŅakuaŅuŅeje pa'iji pai karepase'e pa'ie.

ĖjatupĖ kĖnope.

Si'apai pa'iyĖ sia'yĖ'kĖmaca kui'ne payĖ yekua'ia'Ė kaye peoye, jaje pa'ina Si'awa'i payĖ tutu karepaye akĖpai\_kĖ'ro. Jaje pa'ina mai\_tutu payepi de'oye pa'iyepa'iji, tsoe ikore kawesosidoipi kokaiji kua'ye kaye peoye pa'ija'Ņe.

Kayaye te'ejĖtĖ ako kĖaye.

Si'a pai tutu payĖ de'oye pa'iyere kuasajĖ yekĖwe'Ņa saŅupe kajĖ, mai\_kase'pi kokaijakĖ kua'ye yo'oma'kuai'ni kajĖ mai tutu kĖ'ye paiye, jeje paina maire toypĕpĕpi kakorepa pa'ijakĖ.

Te'e jēna Ējatupē peoye kēako.

Jare peoji mal tsea kuañuñe.

Kaya jēna ako kēako.

Si'a pai payē deoye paiye, si'ayē'kēmaka paiye, jamakata'a sia'we'ña asasaoye pa'iji kui'ne oirepayepi kua'ye paise'eje carojaiye pa'iji kui'ne kuañeñe paiji neñañe paiji kuasia'ye pa'ye iti kase'e sa'ñe pa'ie.

Kayajēna te'o ako kēako

Si'a pai kua'ye yo'o sikua'i payē tutu iwa'i yo'ose'e jayuta'a iti ñati'añe pa'iji do'ikē'ye, iti kase'je paiye, kui'ne kaye paiji sia'we'ña jamaka kase'repa pa'iji tutu pa'ye.

Si'a pal peoji kua'ye paye painije siokuañuñe ja yuta'a ñati'ama'maka kato, jaje pa'iji tutu pa'ye yekē daripēa paiyeje. Jaje paina peoji maipi caye de'oye nede'waē'ēje pa'yere aijerepa kua'yena saiye peoye.

Kaya jēna kayaye ako kēaye.

Mai teowa'i paiye kato peoji kaye kua'maña'ē kajē ñese kaye, mai tsēkapēreje, mai paiwe'ñaje paniye ise'e pa'ito peoji kua'aye neñeje peoji ipi kuasakē pa'ie. Jaje pa'ina si'a pai payē de'oye pa'ie, jaje paina nejo jeoñe paiji kua'ye paise'e.

Kaya jēna kayaye te'o kako kēaye.

Si 'a pai payē deoye daoye sia'we'ña kui'neje yeja pēañeje koni.

Si 'a pai payē tutu kuasi'adaripēa, ipaidaripē, jaje saisikēre ta'a ko'ie pa'iji i mai daripēna.

Kaya jēna Ējatupē peoko ako kēaye.

Kue'kua'i pa'ito, sia'pai payē tutu kē'ye payē katiye paiji kuasia'yejaña, jamaka siwajē pa'ie pai'ji iti ku'ase'e.

Iye pa'ye kato peoji sa'ñe kua'ye neñe, kua'ye payena, paniye sa'ñe kayeje peoji yekē jaiwe'ña pai yejaña'ē kajē.

Kaya jēna yekē jētē ako kēaye.

Si 'a paije tutu payē pai paiyerepa

Jare peoji ēseye i pa'iwe'ña yeja akēre, yekeje tipeoji kaye yēkē pa'ineje paijē'ē kajē.

Kaya jēna yekē jētē te'o ako kēaye.

Ēmēowa'i kui'ne nomiowa'i, jayuta'a ēañawēomakapi tsoe payē tutu, kaye peoji kaje paiña'ē, iti pai'ē kajē wejaye, jamaka wejani siwajē pa'ie pa'iji kuineje pa'iji jeokonī de'oye pa'ie itibi jaje pa'ito.

Iwa'ise'e kuasajē kui'ne ējēpaija'kēpi kuasani wejaye pa'iji.

Paitsēkapē Kato de'oye paiyere'pa'ē jaje paina ñacairepayē sia'we'ña akē pa'ie.

Kaya jēna yekē jētēkayaye ako kēaye.

Si'a pai payē tutu pa'ie yeja, te'iwa'i kui'ne si'apai de'otsēcapēa.

Jare peoji yē'ē tsekua yeja kajē ēseye.

Kaya jēna yekē jētēkayaye te'o ako kēaye

Si'apai payē iwa'ise'e kuasaye, iwa'i paiye, iye Kato pa'iji si'aye nedewaye iti sewoye, kui'ne koka kaye kuasia'ye sia'we'ña paiwe'ñana, paniye te'owa'ise'e pa'iwe'ñaje koni, iti ye'yayepi, neñañepi, sewoyepi kui'ne ñasaoyepi, iyepi pa'iji maire de'oye saye.

Kaya jēna yekē nēkayo beoko ako kēaye.

Te'owa'ije de'oye payē iwa'ise'e kuasaye kui'ne koka kayeje, iyepi tsi'siji kua'ye pa'ie, josa kakuañujē paima'ñe kui'ne japi kawesorepaye pa'iji, yekeje kaye peoji ikoja'a pa'iji kaye, iyese'e kaye paji, kuasi'aye de'oye saija'ñere.

Jēna-nēkañua

Si'awa'i te'owaise'e tsi'sini koka kaye payē kuasia'hue'ña.

Jare peoji kuañeñe yekē tsēkapēna tsioni paiye.

Jēna-nēkañua - te'o

Si'a pai payē tsiojaiye mai akērepa kē'ro, ikē'rorepana te'repapi paniye yekē paija're koni iti ñakēja're.

Si'a pai tutupayē si'ayēkēmaka paiye kua'me nedojaye mai paiwe'ña yeja.

Itidaripëa paikua' i kato payë sia'we'ña akua' i kayere, iye kato kokaiji kaji mai ëjaëwa' irepare mëojë saiyere, iti mëoñe kato neñë yawese're, japi kokaiji de'oye karepayepi mëose'e.

Jëña-nëkañua kayaye

Si'a pai, ititsëkapëje paiwa' i payë kadëose'repare kuasi'aye kui'ne jaje pa'ina si'a akëpai kokaiye paiji, ja tutu do'ire kuasajë, jaje pa'ina tsoe kuasase'pi kuri pa'ie, kuasi'aye kui'ne maipaiye, iye kato mai kuasayepi nesaojë paiye paiji sia'yëkë maca pa'yepi .

Jëña-nëkañua toasoñe

Si'a pai payë kua'me nedojaiye kuasia'we'ña, iwa' i yëyepi tia'ñe paiji kua'meneñe, jaje paikëreta'a si'ayë'këmake paipi, jaje paina kua'ju'ine peoye kua'me newe'ña tra'ni, nejë pai'ye baiji, peokua' i pa'ie peoji.

Si'a pai payë kui'ne pa'ye tutu, jaje pa'ina kui'ne ja'ñe kua'meneñe ti'añe pa'iji.

Si'a pai kua'me neñe tutu payë kui'ne ja'ñe pa'yë, jaje pa'ido'irekui'ne ja'ñe kuri neñepa'iji, nede'huase'e pa'ina de'oye mai tsëcapëje de'oye kuasajë baija'ne, io paire kañeje paiye, yekebi karasiko pa'ito neti'añe pa'iji.

Si'a pai payë tutu iwai'pi kuasajë tsi'sini neñe, iwa' i yëyere.

Jëña-nëkañua Kajese'e

Si'a pai payë tutu kua pëawajëjë pa'ie, siwajë pa'ie ioja'ye kua'mene' ometëkawë tia'seja'ye kui'ne iye pa'ie kato sa'neñe pa'iji.

Jëña-nëkañua jëtëna

Si'a pai payë mai paiye kadëose'repare, iye pa'yere, mai pai, jujukaiwe'ña kui'ne de'oye paiye sia'ye, aq aiñe, kaña ju'ie, wë'ña pa'ie, juikua'ire jujukaiye kui'ne kuasia'ye, yeke payë kui'ne pa'ye kua'me newe'ña paiwe'ña peoye, juidawë, do'ima'pai, aipë maña, iyese'e paiyeje pani kuasia'ye iwa' i te'owa' i pa'ineje pa'ye.

Kui'neje pa'ye ëtapë këiwa' i kui'ne tsi mana payë tutu de'oye kokaiyere. Si'a tsi wejani aidewasicoa' i paniye kua aide'wakua'nusikua' i payë kui'ne pa' i tuture.

Jëña-nëkañua jëtëna te'o

Si'apai payë kui'neja'ne totyaja'o ye'yeye. Toyaja'o ye'yeye kato peoji doiye ja'a ye'yehuëje pa'ye kato. Ja'a ye'yewëoye kato ai kuañeñe paijija'kua. Kui'ne toyaja'o nekaikua'repare kato ai jaiye nesaose'e pa'ijakua, kui'ne aijerepa aye toyaja'o ye'yeye kato' kui'ne paiji sia'waire, io ai do'iko do'ire.

Toyaja'o ye'yeye kato mai pai de'oyerepa pa'ija'nea'ë, jaje paina toyaja'o kato itirepa'ë sia'we'ña mai kua'ju'ijë pa'ie, de'oye pa'iyë kajë, paire sa'ne oijë koka kaye, japi pa'ina mai nese saiye pa'iji, siwajë.

Pëkaja'këpi ñani tseañe paiji toyaja'o ye'yeye i mamakëre kokaiyere kuasani.

Jëña-nëkañua jëtëna kayaye

Mai aipë ukujë paise'e sia paije payë ukuye mai pa'idaripëakë'ro, siwajë mai tsea'ë kuasajë kui'ne tideo'ye paito tia'ñepa'iji.

Si'a pai payë iwa' i yëyepi toyaja'o nesaoye, iwa' i kuasayepi, netijini jaiye toyapëpëa etosaoye, jaje paita'are te'owa'ise'e paye pa'iji iti toyapë akë.

Jëña-nëkañua jëtëna- toasone.

Iye maire carepawesose'e kato si'a pai tutu paye pa'iji yekë yejaña kë'roje ñase'repa, jaje paina itirepa pa'ie paiji iye.

Jëña-nëkañua jëtëna kajese'e

Si'a pai payë maire kuañese'e mai pa'idaripë kë'ro, maipi de'oye nejë de'oye neto saji mai paiye.

Iye neñañekato mai këkopayea'ë kui'ne siwajë paiye, kato sia'pai paija'kua'ia'ë toyapë akëpai kase'pi, itikato kanëose're maire kokaija'ñere kui'ne oiye paise'e, kui'ne kuañeñe paiji iti mai kuasayese'e, kui'ne de'oye paiyëre kajë sia'we'ña mai yëye pa'yere.

Iye tutukë'ye kato peoji yekua'ipi dekakaiye iti paiye kui'ne iti tsoe yekëwe'ñaje kase'e pa'ito.

Jëña-nëkañua jëtëna.

Jare iye kawesosikore jare peoji yekë paipi iwa' i kuasayepi dani nejë neño'o kajë nedojaye, paije te'e pai dani iye kato akëpai tsea'ë kajë kuasia'ye nedojaiye peoji, iye kato tsoe kawesosikore.